

Aatsitassarsiortoqarnissaanut aammalu suliffissuaorujussualiortoqarnissaanut siunissami periarfissaalersinnaasut tunngavigalugit nunatsinnut tikisillugit suliartortitassatut pisariaqartinneqarumaartussat pillugit ersarissaassutaasumik nalilersuinernullu atorneqarsinnaasumik Inatsisartut 2014-mi ukiakkut ataatsimiinneranni saqqummiunneqartussamik Naalakkersuisut nassuiaasiornissaannik aalajangiiffigisassatut siunnersuut. Nassuiaammi ilaatinneqassapput isumaginninnikkut, kulturikkut aammalu ulluinnarni inuunermi kingunerusinnaasutut naatsorsuutigineqartut. Naalakkersuisut qinnuigineqarput nassuiaat naggaserneqassasoq sulisussanik pisariaqartitsinerup ersarissarneqarneranik tassungalu atatillugu kalaallit piginnaasaannut, sulilernissaminnut piareersimassusaannut aammalu nuttarsinnaanermut piareersimassusaannut tunngassuteqartut ersarissitinneqarnerannik.

(Inatsisartunut ilaasortat, Knud Kristiansen aamma Gerhardt Petersen, Atassut)

Akissuteqaat

(Inuussutissarsiornermut Aatsitassanullu Naalakkersuisoq)

Aappassaanneerinninneq

Ataatsimiititaliaq oqaluuserisassamik nassuiaammik aatsitassarsiornermik suliassaalersinnaasunut aamma suliniutinut angisuunut atatillugu avataaneersunik sulisussanik siunissami pisariaqartitsilernissamik paasinarsisitsisussamik nalilersueqqissaarfiusussamillu suliaqarnissamik siunnersuummut tunngasumik suliaqarsimaneranut qutsavigaara

Inuussutissarsiornermut Ataatsimiititaliamit isumaliutissiisummi maluginiarpara ataatsimiititaliaq isumaqatigiittoq annertunerusunik oqaaseqaatissaqarsimanngitsoq, taamaalillunilu siunnersuutip akuerineqarnissaa inassutigalugu.

Naalakkersuisut tungaanniit qulequttat siunnersuutigineqartut misissorneqarnissaat naleqquttoq isumaqatigaarput, pingaartumik ukiuni aggersuni allanngoriartorerit annertoorujussuit aqquusaagassavut eqqarsaatigalugit. Inuussutissarsiornermut Ataatsimiititaliamit tapersersuineq annertoorujussuummat nuannaarutigaa, neriuppungalu Inatsisartuni oqallinnerup ingerlaqqereernerani sultanissaq sapinngisamik sukkanerpaamik aallartissinnaassagipput.

Taamatut oqaaseqarlunga aalajangiiffigisassatut siunnersuutip Inatsisartuni suliareqarnerata ingerlaqqinnissaa suliassanngortippara.